

## Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris  
Angelici Ordinis Prædicatorum**

Secvndæ Secvndæ Partis Volumen Secundum

**Thomas <von Aquin, Heiliger>**

**Romae, 1619**

Vtru[m] dubia sint in meliorem partem interpreta[n]da? 4

**urn:nbn:de:hbz:466:1-38762**

nem humanam, sine qua vita ista non ducitur: ut ha-  
betur in Gloss.<sup>\*</sup> super illud 1. ad Corint. 4. Nolite <sup>est Aug.</sup>  
ante tempus iudicare. Secundus gradus est, cùm <sup>tr. 90. in</sup>  
aliquis pro certo malitiam alterius estimat ex levi- <sup>Io. parvum</sup>  
bus indicij. Et hoc si sit de aliquo graui, est pecca- <sup>ante me.</sup>  
rum mortale, in quantum non est sine contemptu  
proximi. Vnde glossa ibidem subdit, Etsi ergo suspi-  
ciones vitare non possumus, quia homines fumus, iu-  
dicia tamen, id est, definitivas, firmasque sententias  
continere debemus. Tertius gradus est, cùm aliquis  
iudex ex suspicione procedit ad aliquem condem-  
nandum: & hoc directè ad iniusticiam pertinet: vnde  
est peccatum mortale.

Ad primum ergo dicendum, quod in humanis a-  
ctibus inuenitur aliqua certitudo, non quidem sicut  
in demonstratiuis, sed secundum quod conuenit ta-  
li materiæ, puta cùm aliquid per idoneos testes  
probatur.

Ad secundum dicendum, quod ex hoc ipso quod  
aliquis malam opinionem habet de alio sine cau-  
sa sufficienti, indebet contemnit ipsum: & ideo in-  
iuriatur ei.

Ad tertium dicendum, quod quia iustitia & in-  
iustitia est circa exteriores operationes (ut dictum  
est \*), tunc iudicium suspicuum directè ad iniu- <sup>q. 59. a. 2</sup>  
sticiam pertinet, quando ad actum exteriorem, <sup>ad 3.</sup>  
procedit: & tunc est peccatum mortale, ut dictum  
est \*. Iudicium autem interius pertinet ad iniu-  
sticiam, secundum quod comparatur ad exteriorem  
iudicium, ut actus interior ad exteriorem, sicut  
concupiscentia ad fornicationem, & ira ad homi-  
cidium.

## ARTIC. IV.

*V*irum dubia fint in meliorem partem inter-  
pretanda?

336  
ca. et note  
misericor-  
des, ex-  
tra de  
reg. 14.

A D quartum sic proceditur. Videtur, quod du-  
bia non fint in meliorem partem interpre-  
tanda. Iudicium enim magis debet esse de eo, quod  
vt in

vt in pluribus accidit. Sed in pluribus accedit, quod aliqui male agant; quia italorum infinitus est numerus, vt dicitur Eccles. 1. Proni enim sunt sensus hominis ad malum ab adolescentia sua, vt dicitur Genes. 8. Ergo dubia magis debemus interpretari in malum, quam in bonum.

I. t. de do  
Hr. chri.  
in prin.  
to. 3.

¶ 2 Præterea, August. dicit \*, quod ille pie & iuste viuit, qui rerum integer est estimator, in neutrâ partem declinando. Sed ille qui interpretatur in melius quod dubium est, declinat in alteram partem. Ergo hoc non est faciendum.

¶ 3 Præterea. Homo debet diligere proximum sicut seipsum. Sed circa seipsum homo debet dubia interpretari in peiore partem, secundum illud Job. 9 Verebar omnia opera mea. Ergo videtur quod ea que sunt dubia circa proximos, sint in peiore partem interpretanda.

S E D contra est, quod Roman. 14. super illud, Qui non manducat, manducantem non iudicet, dicit Gloss. Dubia in meliore partem sunt interpretanda.

R E S P O N D E O dicendum, quod sicut dictum est \*, ex hoc ipso, quod aliquis habet malam opinionem de alio absque sufficienti causa, iniuriatur ei, & contemnit ipsum. Nullus autem debet alium contemnere vel documentum quocunque inferre, absque causa cogente. Et ideo vbi non apparent manifesta indicia de malitia alicuius, debemus eum ut bonum habere, in meliore partem interpretando quod dubium est.

Ad primum ergo dicendum, quod potest coniungere, quod ille qui in meliore partem interpretatur, frequentius fallitur. Sed melius est, quod aliquis frequenter fallatur, habens bonam opinionem de aliquo malo homine, quam quod rarius fallatur habens malam opinionem de aliquo homine bono: quia ex hoc fit iniuria alicui, non autem ex primo.

Ad

## QVÆST. LX. ART. IV.

69

Ad secundum dicendum, quod aliud est iudicare de rebus, & aliud de hominibus. In iudicio enim in quo de rebus iudicamus, non attenditur bonum, vel malum ex parte ipsius rei de qua iudicamus, cui nihil nocet qualitercumque iudicemus de ipsa: sed attenditur ibi solum bonum iudicantis, si verè iudicet; vel malum, si falsò: quia verum est bonum intellectus, falsum autem est malum ipsius, vt diciatur in 6. ethic. \* Et ideo vnuquisque debet niti ad hoc, quod de rebus iudicet, secundum quod sunt. colligi-  
Sed in iudicio, quo iudicamus de hominibus, præci-  
puè attenditur bonum & malum ex parte eius de-  
quo iudicatur: qui in hoc ipso honorabilis habe-  
tur, quod bonus iudicatur; & contemptibilis, si  
iudicetur malus. Et ideo ad hoc potius tendere  
debemus in tali iudicio, quod hominem iudice-  
mus bonum, nisi manifesta ratio in contrarium ap-  
pareat. Ipsi autem homini iudicanti falsum, iudi-  
cium, quo bene iudicat de alio, non pertinet ad  
malum intellectus ipsius: sicut nec ad eius perfe-  
ctionem pertinet secundum se cognoscere veritatem  
singularium contingentium, sed magis pertinet ad  
bonum affectum.

Ad tertium dicendum, quod interpretari aliquid  
in deteriore vel meliore partem, contingit dupli-  
citer. Vno modo per quamdam suppositionem: &  
sic cum debemus aliquibus malis adhibere remedium,  
sive nostris, sive alienis, expedit ad hoc vt securius  
remedium apponatur, quod supponatur id quod est  
deterius: quia remedium quod est efficax contra  
maiis malum, multò magis est efficax contra minus  
malum. Alio modo interpretamur aliquid in bonum  
vel malum, dissimilando, sive determinando: & sic in  
rerum iudicio debet aliquis niti ad hoc, vt interpre-  
tetur vnumquodque, secundum quod est; in iudicio  
autem personarum, vt interpretetur in melius, sicut  
dicunt est\*. *In corp.  
ar. et ad*

Sec. Sec. Vol. iij.

E A R.

2.